

復
初
齋
詩
集

復初齋詩集卷五十五

大興 翁方綱 正三

嵩緣艸三

庚申七月至
辛酉二月

玉蘭軒奏事

七月二十六日

極島合秋陰仙壺貯碧岑地迴瑤海北天在玉蘭心竹
露穿巖翠松風答磻琴溼星殘月夢花雨尚盈襟

友人以初白題松下清齋圖詩手艸見示因次

韻二首寄謹庭

齋心誰悟右丞詩習靜何關樹槿葵一事破除猶未得
硬黃指墨每移時

半榻留雲鶴踏枝綠分松蔭到園葵不知可似胡元潤

神在窗紗漏月時

謹庭嘗以所得胡元潤畫松下清齋圖屬題

曉嵐以北齊朱岱林墓志屬題二首

艸隸書聞記朗公青迴海島想遺風
郎中若準歐書祖
只有參軍署隴東

弟志兄銘石合鐫昂霄止仲例誰傳
李髯記共錢詹事

翦燭西窗廿載前

李謂南弼錢謂辛楣

九臯比部以所藏張文敏書破琴詩屬題二首

此書未必意臨蘇還憶王詵宋迪無來向蘇齋
圖舊夢

阮家證取破琴圖

予嘗爲阮芸臺題破琴研

得天居士孰前身學到中條無學人
舊甕邢房松下悟

十三絃叩屨提因

子齋有吳蓮洋書此詩事蓮洋自號學無學人

王麓臺仿大癡秋山書屋

苧邨昔評秋林軸筆端何取金剛杵淡遠方能造渾成
秋山果否秋林補又聞秋山蕭寺卷恨未親從奉常觀
小印西廬押後人想見神來無畫譜當時仿作讀書圖
夢寐山樵閱寒暑丹黃只在寥泬中青翠濛濛以襟貯
淺疊平岡出全力遠塢橫煙半吞吐蒼然始見一峯奇
又非側入窮幽阻麓臺嘗誦初白詩良工相較誰心苦
若以耕煙譬阮亭豈借鄭虔論老杜卽離虛實吾安放
沈思峻拔爲之主北苑以還眞實義禪榻香來雲一縷
形神格韻終何在婁東嘗熟誰千古獨立蒼茫一筆無
溼暈蒸空響秋雨

暉鐵簫墨牡丹

此宜稱鐵體嘗記下星精古樹橫坡逕春陰倒暈成溼
雲香正午浥露墨初晴石檻苔如篆時聞點筆聲

室人說此

人遇槐樹
老精事

陸包山荷花

周公瑕文壽承
及叔平自題

蒲葵扇底練裳邊何處秋空思渺然十里雲霞開渚鏡
一襟風霧屬吳船白陽陳子論連夕斐几周郎感昔年
月上太湖三萬頃東峯影入白鷗眠

題石谷畫

樹穿樓檻遠微冥空際常留石氣青烏目山中人是否
了然鐵笛轉雲屏

送蔣礪堂之南贛道任

繡衣風節照江湖行部綏釐勉載劬章貢二川通粵嶠
贛南入境接洪都嶺隅往者稽虔鎮城邑中央眺鬱孤
俱是使車諷度處豈惟題壁夢明延陵陳祖綬有虔鎮表訓蘇

送徐詞甫還惠州仍用方南圭詩韻兼寄懷魚

山

詩盟記在石樓陰比似仙居悵望深詞甫由浙江仙居縣令罷歸野

更苔岑如宿夢山卿季孟證初心湖分藤菜秋隍氣江

合端谿旭欵音讀易了然巖寺悟題名坡蹟待重臨東坡

於英德南山遇石汝礪談易話羅浮之勝予嘗摹此題於齋壁昨墨卿來書以羅浮無拙題欲仿此蘇書寄題也

九月望後石君招同魯巖曉嵐樹峯爲丁卯同年小集

五十有四秋金鷗排雁影去日誰與援露鶴晴臯警依然鴛鴦行比翼霜毛整威鳳揚其音歸昌律調鼎後先三節鉞肩切金華省尚書對台垣北斗茫耿耿我忝卿班末來陪淪午茗迴憶卅角初承筐共飲餅吾師奎堂

句眉月挂簷冷愧溯外秋聞步追歌和郢癸卯京兆試與石庵誦文

正公丁卯鯉也詩禮榮韋平繼樞秉石庵問老在坐舊夢二斜

街丁卯秋文正師邸第去石君寓齋最近虎坊橋巷竝謂曉嵐寓齋也何減小歐

陽坡詩懷泛穎柳莪摹昔題撫言述造請一幅成畫圖

綠苗孫枝穎石君孫涂適率欽賜舉人之命

長洲韓氏墓田丙舍圖卷

玉峯王學浩畫

我臨鍾傅帖何感似蘭亭王子椒畦墨香山石氣青世
家文物紀詩話研田銘寒碧心耕在秋燈照聚星

適得君家

寒碧老人銘研

元人跋化度寺碑真迹十三段今裝於子藏宋
拓本後喜而系詩六首

我藏范石本廿載想眞評坐客題難得書樓笑未成有
元來妙墨諸老儼聞聲五百年前夢何人爲諦盟

宋紙元明印蕉林澌墨林暉池經幾換零落到於今待
帖虛延訪遲裝費苦吟果符牛斗氣感激昨秋心

吳興名冠代康里亦師虞得恡歐碑祕相量晉法俱千

秋同古鏡萬象入元珠井底樓欄翠英靈省記無

郁叔禾中記誰初說鑿藏篆題寧借李瓊蠟競稱唐訝

許投瓊玖天然配錦囊從茲更平聲著錄金薤倍琳琅

小隸雙鐫積旃檀竝几薰月窗圓墨沼茶鼎聚香雲趙

蹟蘭亭跋馮家快雪聞不曾聯合軸親覲右將軍蘭亭松雪

十三跋是在吳傅朋本後者而馮氏未刻其帖

居士嵩陽眼看人萬里青蘇書神合照元跋韻同聽斷

石橫苔壁雙峯拱翠屏巾箱圭臬影咫尺步天經子繪范氏

書樓圖亦嵩陽事又恰是元代諸賢作跋與坡公嵩陽帖虞柯倪張諸跋相映合也

宋翻化度寺碑今始辨審明白既得其後元人

諸跋附裝於予藏真本復題三詩

鷗波困學元書手近日良常亦學歐豔說豈師全石在

何妨屬鼎時千秋

趙松雪所跋此本暨鮮于伯機所題吳門繆氏本又王若林所云於津門

見全石本皆此宋翻舊拓而從來未有辨之者

手搨重摹又十年琢餘瘦玉韻娟娟笑移元跋歸吾篋

買積還珠一輟然

庶子名銜石久殘誰應范閣憶憑欄料量三段圖成後

聊當端平補闕看

予藏宋拓真本是范氏賜書樓原石極殘泐而李百藥字尚可辨此宋翻

本存字最多而李名轉不存矣然予因此本與真本合驗而始得繪成范氏書樓三段石樣不爲無助耳

顧阿瑛小像梧門摹以屬題因仿達兼善金粟

影隸書於軸

神妙虎頭金粟影如何仿像玉山題江南御史龍頭客

忽夢橫江萬竹低

題西齋洗馬詩卷兼呈楚帆給諫并寄冶亭漕

帥二首

藝苑飛聲四十年淒涼臙艸拾南天
玉河橋水柯亭綠多少瓊瑤未得傳

香濃雪沍愴人琴給事頻年感舊心
留得梅庵詩話在

淮南煙月訊知音

冶亭近號梅庵

送莫韻亭司空使瀋陽四首

邦典馳金節司空授使旌卿雲高北鎮
瑞雪壯陪京

早麓歌申祐豐垣仰適成始知周雅義
毛鄭未研精

舊領黃圖治東郊切保釐卽今驅馬處
猶記課耕時近

邑郵程熟于原遡澗期蜡辰含宿麥幽頌籥章吹

東北千山接閭陽一髮青雪凹堆衆皺地脈肅羣靈大海迴襟帶高樓拱日星驛亭中後所軒奏韻猶聽

李侯詩息壤劉子律長城爲爾酬奇氣知子寄遠情江

南春艸夢海岱石帆盟何減蘇齋話梅簷鶴笛聲

末章兼寄

滄雲嶽嵐也

陳石民仿松雪蘭卷

霄水空濛裊淡煙孫枝神出月娟娟如何想像東屏帖
叅得穠纖墨影禪

既以元十三跋合裝吾齋化度眞本作下冊喜
題於後二首

于莫延津聚合奇戴憑重席奪來宜不徒感以斯文例
是謂欣於所遇時宋人得蘭亭以欣遇名齋借得雲交川託月判來
璋合幣留皮口門讚說功慙窄塔頂圓光叩導師

嘗怪章家勒墨池二承親侍悟言時豈無玉磬桐花夢

要待蘇齋臘雪期誓舉蓉猗鏞飲賤同量柏寢古尊彝

墨緣北地重輪影涿鹿漁陽恐未知末句因盧疏齋而并及鮮于困學也

孫退谷有墨緣重輪之印

又題二首

諸賢題罷意如何佩倚湘臯澹綠波更進鍾王配彝鼎

兌和弓矢俯虞戈

疏齋松雪隔前塵纔度端平六十春除是書堂東壁跋

善奴親授過庭人

率更書陰符于文
皆有付兒手跋

題元人跋化度幅末宋紙

五百年前瑩水苔黍珠光裏玉煙迴多憑諸老拈圓相
猶帶旃檀篆影來

蘊山拓寄粵西金石文賦此奉酬兼寄裴山

三十年前粵嶺東我初手搨昌符鐘爾時未遑越史證
日尊之號稽何從青州李髯助奇氣十載後訪桂與邕
蠻煙瘴雨什得一髯也寄語心猶忡昨者錢子按節至
銑于始剔思琅銅遠跨昌符三百載廉欽舊志嗟盲聾
蘇潭手拓同日寄瀝唐貞元與建中貞元之鐘亦陰款
房刺史鑄銘于容紀元孰知會祥字類攷竟誤嘉禾鍾

鍾廣漢建元類攷失載李乾德會祥大慶年號而子曩
見廉州志以昌符爲安南李氏者足徵越史罕傳也

嶺西吉金茲已二諸葛鼓應鼙逢途蘇潭中丞宣

聖化裴山拔菽諧丹衷上丁下巳合茲誦哀載肯數汪

家叢

汪氏粵西叢載於金石頗詳

竹垞經義表杭刻磨厓易卦兼中

庸豈意溫公隸摹勒風火象象摩高穹魯論語篇美惡

問盍毛包周奚異同

紹興己巳摹刻隸書易家人卦此淳熙甲辰冬大楷論語問政章

皆桂林巖石上六經星斗光熊熊其餘諸賢遊憩蹟侍

親邀侶攜僕僮浩平篇詠各選勝我於米陸曾追蹤米

詩自題簡信叔陸札珍弄鐫思恭皆系好庵詩境語往

者我自韶江逢聞韶臺上倚秋碧一髮桂海馳千峯江

光攝入長嘯處載歸扁我齋十弓惜乎宏尊剔不獲方

若記云放翁詩境字一刻於韶之武溪載刻於道州窠
尊三刻於桂之龍隱巖予嘗託友於道州訪之不得

二嶺氣接軒長虹新碑百幅挂四壁謝錢二子雙詩筒
世間有此癡贈答蛙書之蠹咩石農我輩宦囊此長物
相著而黑膏煤松龍隱巖耶水月洞夜泉曼響秋雲空
多少銛鋒倒薤影笑爾謝也錢與翁我亦燈窗發遠夢
攜手與爾同指節依然仙湖曜石下小艇載月捫雙榕

鎮堂生日邀梧門同作

十年清宦歸猶作萊衣舞雙株玉芝蘭卽漸南陔補快
作圍爐話平生眞實語舊篋書幾束淡煙香一縷不愧
此寒燈霜空月當午如水此心在齋菜斟清醑白髮老
弟兄年年來祝嘏詩境約詩龕酬唱誰賓主

題仿元人艸蟲卷

茅窗程竅話依然秋在蠓蛸蟋蟀邊此段曉涼風露氣
拈來又是十年前

藍田叔畫

天啟六年秋七月仿
一峯於龍井山房

誰將蜨圃一峯論正似山樵仿石門真氣偶來奚倚傍
墨禪試訊苧桑村

唐靜常仿李營邨谿山雪霽

自題康熙戊子之春初爾日及見麓臺石谷無如此蒼
茫但神骨恐彼二子見之驚嗟吁嗟爾明窗掃地西峯
居萬象攝入寒冰壺倏憑意造無逕路杳真自湧圓光
孤得母淨因禪者壁墨禪說法非操觚衍然石罅詩眼

界中有虛白心齋廬長空飛鳥接一氣凍雲淡入層林
枯婁東所歎松峯起伏法何必營邱雪汎山陰圖自題
抵得無李論那信王曉蘭亭摹營邱畫或有出王曉筆
卽世傳定武帖重翻本
者

曉嵐以隋仁壽元年青州舍利塔銘見贈是日
蘊山以唐顯慶四年桂州舍利塔銘寄來同裝

軸題二詩

圓光定影印心知偈語邕師又孟師合兆隋珠超薛陸
夢追告誓服膺時予近日辨證邕禪師孟
法師二銘頗得其真也

澈公詩句想唐初孟弼依然古隸餘塔下誰傳書姓氏
小歐陽目例何如唐以前舍利塔銘未見有書人姓名
者惟此仁壽元年十月銘孟弼書

題畫

誰家風幔不依樓一碧橫江夕照收我欲借尋詩夢意
春潮臘雪記濰州

載園以予瘞鶴銘縮本鐫於研背報以是詩

每辨三行宋刻非汪陳元未造精微海門一寸巾箱影

袖有江雲側岸飛

天其二字在厓石轉處此向來諸家所未知者

十二月十九日蘇齋拜坡公生日適黃秋盦以

所藏蘇米諸賢像冊寄來屬爲摹山谷像於內

精靈會合奇哉賦詩記之兼寄秋盦

年年臘月拜坡公軸配諸賢出真相嘗聞屢提老子語

涪翁之配寧多讓匡廬天半峙峩眉故在秦李鼂張上

誰言詩到蘇黃盡萬古江山敵高唱荒寒四壁一蘇齋

發洩當時祕妙藏嵩陽居士青眼看秋影庵中夢來訪

頰豪栩栩傳有人坐問高生醉態呼嶸儼相向山谷嘗言李

瞻按藤杖坐盤石極似其醉時意態吾輩聚會時開此像如見其人亦一佳事嵩陽帖正焚香

對快雪篋請窮諸妄馮氏快雪堂所刻嵩陽帖即董文敏所云摹本而外間有目彼爲真

迹者江心雙井月一泓秋盦筆力破溟漲依然插斗松風

閣篆起蛟龍纏墨嶂

予所藏宋拓化度寺碑山陰潘陋夫有多篇漸

溢吳興跋之句蓋陋夫與湘帆愚亭諸君手跋

至數十段故以吳興稷帖十三跋爲比也今予

竟得有元諸賢十三跋以勝此帖因次潘韻志

喜

以下
辛酉

記否書樓吮墨人十三絃隔響泉塵他年續補緣重結
往日留題事果眞松雪那憑絃外夢蘭亭本是帖前身
嵩陽居士論青眼偏稱蘇齋四壁貧

文衡山盤谷圖歌

嘉靖甲辰九月

雙桐室築十八秋何感而覲盤中幽是秋甫作石湖泛
正及陽羨梁谿遊相城人去三十載麤株大石何人收
韓公盧老賡和意衝風飛雨來溪頭盤盤石路極窈窕
鬱鬱松栝延冥搜松間石罅三折水活活響送寒雲流
中有杖藜迴眺者再往儻是韓盧儔指似雙桐屋然否
玉蘭玉磬香茗甌望之如仙不可卽筆如屈鐵老更道

諸家更莫麤細較一氣渾與元精謀先生昔仿大癡軸
少作力已追前修古稀年乃等少壯華亭禪頌同披裘
禿毫槩論一束楚鑿古我欲噍弁州暉首蒼茫四大字
何必古隸珍天球軒然紙上墨起立太行星日光潛蚪
宅阻誰歌爭子所請以石本鐫長洲

北鎮廟五歌爲莫韻亭賦

司空奉使閭陽還示我古五形堅完醫無間山北鎮廟
一枚重比青琅玕行篋載稽鎮廟記記成三百廿載前
明成化癸卯巡撫
王宗彝撰廟記文云歲久蝨五脫更溯封號推金元
封山謨典肇虞舜織方東北周人宴獫養長廣同貫利
無慮地界且慮間我朝功崇德深厚百靈肅秩陪齋

壇大東篤祐壯元氣精禋釐鬯千煙巒偶從一五觀程
式對膊埤孰平而彎其修逾尺厚及寸香雲半掩凝露
寒侍郎篋中好詩筆袖有大海風迴瀾摩挲古綠凹作
研遠跨冰井香姜斑廣寧道中昔遙望旭陽想像層霞
端何如几上雙柏影青眼正共嵩陽看

韻亭齋壁摹
嵩山漢柏也

劉崧嵐刺史屬爲書予峽山寺諸舊作賦此奉

寄

舊墨巖雲夜吐吞風泉佩響尚留痕試將過去翻灑偈
重與前來宿客論三峽怒濤喧石榻半江凝碧在松門
更添轉語知多少臘雪蘇齋叩酒尊

去臘姚秋農使粵
歸言寺壁予舊題

幅後和
者甚衆

西郊僧舍看花之作呈味辛穀人定軒梧門

誰將弔古代題襟圖畫難傳別緒深種稻溪聲交遠近

養花天氣半晴陰九旬春到平分候三十年前感舊心

一桁西峯青峭影借君詩卷當登臨是午同人步訪畏

有弔古之句而船山作春郊話別圖以贈味辛又諸君昨遊西山詩卷適爲定軒題也

題諸君遊西山戒壇謁裕軒慕堂二先生祠詩

卷後二首

燕晉合祠記遼金松石間千秋餘冷翠二者共蒼顏煙

雨仍遊憩英靈日往還諸君來下拜不爲看秋山

十載香花繞福建於乾三秋卷軸新紫雲添客夢慕堂齋名

紫雲山房漫圃悵誰鄰裕軒別業他日燕都志追慕佛榻人

此峯能說法几杖寫精神

送味辛之任青州郡丞三首

忽忽二十年詩盟託甌茗每聞秋雨聲歸計苦不猛中
間對論心橐筆共薇省老楮與高槐東廊移日景年來
舊侶稀漏箭晨星耿爾今岱東郡驥足步初騁愚山夢
愚處海氣樓窗罔吟嘯琴鶴間豈謂丞廳冷

畫圖僧房餞二月春未深唐花香啟窹已歷綺繡林笑
看緼火迫奚假雨露陰於惟恭毅公世德培纓簪遲遲
發逾昌忠孝踐銘箴諸孫卽漸卜棠蔭日清森傳家金
石盟可質影與衾角弓嘉樹傳鐵面冰雪心

青社富攬古諸城鄰益都之早雖艱訪琅邪猶可摹李

髯家傍郭段生亦吾徒

益都學生段松苓李南陽門人精於金石考證

手輯翠

墨記不數牛家圖充郡况咫尺黃九丞廳居同地兩郡

丞同寄覃溪書日日擴新得集益於寶蘇尋山事卜築

何必誇中吳

味辛近有尋山卜築圖

爲周湘浦題坡公濰州雪行圖臨本後二首

東濰驛壁挑燈影南岳真人寄遠心君憶蘇齋殘臘夕

茗甌香對雪窗深

湖海昏陰點石苔西峯斜照爲誰開屏山小字重摹帖

還記春潮捲雪來

董文敏鶴林春社圖

董自題序并詩及陳仲醇跋

此圖此鶴眞華亭唐君公社鄰窗舫香光偁子眉公聆

唐家具侶雙雲屏仙風鏘然扉不扇望衡筆想馳海萍
盈盈一水波泠泠畫禪畫意忘畦町青天倒影水在瓶
依然拂檻軒修翎浮邱來證淮南經城郭宛爾令威丁
東奈山麓交渚汀春空霧雨花冥冥岱雲一嘯塵夢醒
主人中夜存黃庭何用華陽真逸銘藻珠祕笈森杓星
羣鴻戲海同千齡董陳與我俱眼青

坡公書天際烏雲帖一稱嵩陽帖而虞柯諸公
詩多詠杭州放營妓事略於首章似非題此帖
之本義予既辨證所藏真蹟爰爲補作四首

濰州驛壁定香橋野店殘燈記屢挑何意濟明書榻上
朦朧江海起春潮

寶山晝睡又錢塘蒲褐澄觀一炷香多少相望千古意
爲誰青眼訊嵩陽

肯借臨摹晉法傳南陽倚柱笑僧虔蔡家正有眞茶錄

可要重量陸羽煎

快雪堂及諸家所刻石皆摹本耳

山雲樓日晝來難聊借東州雪意觀叅破貝多花葉悟

峯陰塔影一憑欄

吾齋近號石墨書樓以邕師塔銘結嵩緣也

復初齋詩集卷第五十六

大興 翁方綱 正三

有鄰研齋稿上

辛酉十二月
至癸亥七月

辛酉春月以後溫肆三傳三禮功頗較密是以久
不作詩適伊墨卿得坡公研拓銘遠寄因以顏書
室宋芝山吳蘭雪屢札索詩自此復偶有題詠卽
以此研自題稿也

惠州守伊墨卿葺白鶴峯東坡故居掘地得研
背有先生書名并德有鄰堂小印拓以寄予因
仿琢焉并以名齋

我題橫扁紫翠閒卅載飛景迅莫扳記倚井欄測水脈

空江影動青屏顏爾時此研秘不出直待遠贈來茅菅

鄰堂印記爲誰擬默齋手札訂我頑

伊墨卿號默齋而惠郡廳事有坡公

昔贈詩紀之

書默化堂扁子今春拜奉軸真像

吳門陸謹庭所贈

烏雲夢語

光迴環片石仿成適今臘一月印出千潺湲中央署名

勢飛動廷平帖押神追遺想見峯頭築縹緲已有賀厦

禽喧喧何時有鄰孽窠字重踐墨食經營艱豈甘蔡書

論最屬欲就蘇室心躋攀有鄰儻借陸鴻漸卜宅似否

茗溪灣作銘寄伊兼訊陸翟秀才舍燈畱關

昨爲友題張伯雨墨

蹟帖云無言先生家吳興長城故得茶品獨高嘗聞陸

鴻漸置園其處與先生之居並存否邪伏觀聚茶帖感

慨而書句曲外史張伯雨此帖恰爲吾有鄰

研齋作券然吾意却在鎮堂非謂謹庭耳
坡公眞像吳門陸謹庭寄贈

我齋奉公像百摹不一眞漫堂鏤施注元蹟云傳神又
見梅谿本松雪下筆親肥瘦迴不同笠屐名則均世稱
仙曰髯每僂于思倫豈知髯逸氣超絕凡笑嘖兩顴清
不肥修眉秀峨眉神在目炯光下上照千春就有聲衲
偈傳自吳閩闔松下叟得之以供吾几陳憬然始下拜
往者空牆循此中浩然氣蟠塞上青旻自有詞翰來幾
得並斯人竊叨弄公集篋公墨稿新卅秋積疑處一旦
獲快伸千齋藏先生普嵩陽帖今始得定爲眞蹟故合千載緣憐我四壁貧
鏘然響雲駟碧空驂鳳麟顧我書齋粲含意粹以醇公
詩非放筆中有遺火薪庶幾仰窺之破牖懸星辰渴懷
夢耿耿遠自粵海濱番禺朱季美德雲叅嶙峋金山龍

眠筆江水所問津
臣廬本來面悟此
清淨身橫嶺與側
峯分合誰主賓
異哉漫堂補肯共
邵髯論松雪蓋臨
此蘭亭帖未湮
所以郝陵川題爲
王安仁面右多黑
子江月凌霜晨蘇
齋澹風雪今覲貞
松筠跌坐思無邪
研銘德有鄰又到
筍脯筵峻苦崧生
申

東鄰李秀才愛蓮堂以今年仲秋盆荷作並蒂
花四日不萎適爲兒樹峴締婚於李合登之夕

壁上恰有予舊題並蒂蓮圖詩因次其韻

四日

蟠根仙李壓房陵自有雕華意匠能倩爾雙趺圍作錦
憐余十笏冷於冰三秋滿實駢相接四畫榮添得未曾

他日兩家同藥榜，今宵花燭。

元燈

四兒樹岷時與李氏伯仲同凡諱書

故末句及之

桃花寺行帳見莫韻亭宗伯和予並蓆蓮之作

仍用前韻

以下壬戌

臨摹那復羨毗陵，吳帶當風最擅能。

兒樹培乞吳鑑庵編修寫圖

秋

水神來雙疊雪，春官鑿澈一條冰。同聲切響論文近，接萼聯枝對影會。此日玉堂傳麗藻，交花先兆上元燈。

鐵松觀碑圖

我讀小松觀碑畫，此幅側面尤傳神。畫者拈豪意有屬，與松對坐伊何人。細觀乃是李老鐵，非爾孰與松對論。松來濟上二十載，獨於鐵也情倍親。興酣拊几忽狂叫，

嬉笑鬪贈皆天真此幅畫者畫老鐵神情亦在雙目輪
泉聲泐泐憂左右老樹合抱交輪困碧天橫雲捲宿霧
石床點筆無纖塵鈎簾席地好風日如此方是觀碑辰
我聞率更憩野食坐臥三日甘飭辛又聞米老展對几
不設寒具忘主賓今爾鐵松二老子直從兩漢馳周秦
任城學舍富古刻紫雲武闕搜貞珉南嵩西華北上谷
圮冢絕壁披荒榛究水圖嗤牛運震濟州攷陋張力臣
腹間全文補鄭固跌際殘畫剔史晨洪婁歐趙所未見
凡將滂喜兼問津豈止昔稱歐與米戈波行揖相弄珠
似聞二老著語響非復題跋常格循行行昏煤借訂證
往往燕徑憑耕畝有如斷崖緇鐵索所繫一髮繼千鈞

等閒茶甌與麈拂燭天虹氣蟠嶙峋戟門濡墨悅昨日
衙齋噉麪又九春知君觀碑共念我我齋已託研有鄰

蘭雪以詩索我所藏周定王東書堂研答二首

我藏書堂研於今廿五年因拓蘭雪字備攷蘭亭鐫周

王蘭亭石妙繪追龍眠如見永和春列坐晉羣賢顧惟

蘭紙蹟孰初硬黃填我得舊拓本籤以褚臨傳良常王給諫題

不知良常見然否離蒼沿蘇耆與張界同異誰蹶筌窮

年極攻錯此研參墨禪近爲五字辨羣崇帶暢遷子攷諸臨

木拈此五字與薛氏所謂五字不同重擬蘭稷卷信誓蘭盟堅研乎知我

意濡潤借涓涓待此轉語定春觴迴石田乃以眞帖跋

銘於書寶邊研背周定王題東書堂書寶古蹟屈從手斯言然不然

使古人之蹟屈而從手
王元美東書堂帖評也

昨從惠州守拓得坡研新因斯研之仿篆曰堂有鄰一
月百千燈焉知仿非真果逢坡真像翻來臘交春豈非
公精靈鑒此呵生津準此重摹例研亦欣傳神我摹蘭
雪篆妙悟書堂因蘭雪非別字乃真帖化身蘭雪非周
刻乃覃溪手親詩境岑同苔詩夢火傳薪香蘇卽寶蘇
乃不隔一塵古文十五篆筆筆虹垂紳豈似玉帶生一
字心未申文信國玉帶生研諸家集中錄其銘詞磨爾
心之堅兮或作磨爾之堅兮少一心字足見
真本摹有鄰研之兆兆爾新田人亟礪片石來與子對
本之異

榻論

又得朱蘭岵摹龍眠坡像

醉餘真意態江嶺幾人傳
雨笠空雲水風襟攝海天未

知松雪本何似漫堂鐫辨證
嵩陽帖然香二十年癸卯春得

此軸之重摹者
今二十年矣

再題松雪天冠山詩墨蹟卷後

料量大雅例懷仁借品漁陽困
學民始信山陰真繭紙
松花石理玉精神

嵩陽居士帖歌

仙壇石未拜米顛蘭亭初賞天
歷年爾時可有山谷字
柳家脚想元和妍邵庵眉庵老
學士蘭亭題罷眉軒然
縑眞齋几雙眼豁錦囊茶墨三
生緣丹邛猶是香案吏
五雲閣下春翩翩幾日去爲江
外客荊谿氣吐牛羹邊

環慶之堂恨今昔石鼎舊韻南岳聯奎章夢同句曲感
彝齋跋並雲林傳何年此跋首尾闕柯詩之後張詩前
倪迂名印暉泐半宋元舊楮蝸畱涎幻夢模糊霄雲日
訝遭誤點蠅絲牽項家物耶吾家物吾家深原嗜獨專
墨林深原遞手篋卷又改冊紛雲煙項購松陵史明古
明古嘗以貞珉鐫最後香光說摹本摹本誰弄誰鈎填
砥硤明月鑒不易蕉林快雪屬後先近聞千金市駿骨
紙墨一律光新鮮豈知真本不圓媚尚憑書錄追粉箋
宛陵劉摹艷初拓西郵史刻敢比肩金生昨爲史刻訪
蘇齋儻照臘雪筵今年兩得真像軸精靈來戀西吳編
嵩陽居士爾孰謂得非化度邕師禪話從柯書率更體

台配元跋玳珠船星芒巧聚翁字印研屏顛顛丹砂圓

拓得麓山碑側元豐庚申元日米題字

米公親見李江夏廬阜神光夜燭天題側何嘗行押仿

碑陰直並系銜傳雲開南極橫千里鐘聽東林早一年

尚未坡翁雪堂面手追已在晉人先元豐庚申二月以

於東坡也米題北海東林碑在元豐四年辛酉十月

錢梅溪造頂煙墨二種一漢碑一吳越金塗塔

予以蠅書書名其陰各系以詩

濟上題名又十年墨斜石頂逕中穿故人一別成千載

二寸重量寫麝煙壬戌三月於濟寧學舍題字魯峻碑石上今年昔嘗爲小松題所藏

唐人造二寸銅碑

二朱先後二周盟一塔千光聚偈成八萬法輪皆寶相

如何墨譜續方程

題墨邊云周紫芝周質朱彝尊
朱珪趙懷玉阮元翁方綱錢泳

塔影軒二首

艸隸中吳話文家又顧家几畱雲氣罩池記月痕斜三

宿桑交蔭千燈海聚沙邕師禪偈在香篆貝多花

文肇社顧

云美皆以
塔影名素

青眼嵩陽帖峯陰宿雨寒高岑思緩步裴李借同看他

日追題壁前來夢倚欄書樓憑翠墨寫入響山彈

昨題嵩陽

帖有峯陰塔影
一憑欄之句

宋芝山臨顧云美塔影園圖小軸見寄怡與子

所儼居齋名相合因以予昔所見云美隸書詩

句臨寫於上卽用爲起句

昨夜所聞何處鐘此圖然否夢前蹤水雲能記憶如許
石礪更知深幾重檢點詩心聽宿雨商量畫藁起諸峯
小吳軒下朦朧月累爾橫江辦一筇

方式亭惠造蘇齋筆見寄賦謝二首

江干鏤管識蘇齋儻許彭城放鶴儕種竹劉郎玉堂夢
故人幾箇好音懷

磨墨蘇齋眼共青陸書詩境合鐫銘蘇潭去後摹蘇研
虹石誰云兩石亭

前年吳石亭視學安嶽爲予造蘇齋
墨故井及昔蘊山造詩境墨及昨伊

蘇齋寄拓
墨研事

再題石谷畫藁

層林陡壑皆章法雜樹誰摹馬抑之盡攝諸峯煙雨氣

前岡半厂立移時

昔見明人馬抑之臨元繆叔民山溪雜樹卷題者數十家石谷此卷殆爰

之過

霜艸

一寸枯荑認綠根初寒而野變霜痕馬嘶宿霧迴時路
人記秋場滌處邨罽罩微陰知雪意蒹葭襯碧出柴門
迷離幾箇殘星點略約灘橫曉色論

惠州守伊墨卿摹勒蘇書德有鄰堂思無邪齋

拓本見寄

有鄰無邪二榜書坡公手題鶴峯居我齋蘇齋室蘇室
一笑窠墨簷楣俱拓摹誰歟伊太守南圭想共閱翦蔬

默庵來作默堂主

伊號默庵而惠州郡廨有坡書默化堂扁

眞見紹聖親操

觚我昔樞衣造峯頂屋壁仿像經營初此扁風神蕩江

水炯若嶺月軒眉鬚三十六秋夢一瞥歸來以息觀雙

跌塵塵念念何所得踰糜研滴不自濡嵩陽帖配偃松

字正及鶴觀芝田畚羅浮一枕浩噓噏少霞山卿秘有

無去年始拜眞像軸暑夕果得銘研摹

德有鄰堂公自銘研去年四月

墨卿拓寄此銘此像同照坐堂邪齋邪孰見吾坐臥吟嘯大

雲海星斗沆瀣來醞醑以水洗水鏡磨鏡翟家舍卽婆

酒酣如此英光亘天地憑何尺宅爲犁鉏眞放精微乃

造極觀桓審

平聲

止毋疎蕪月圓電轉只一掃萬象來繞

摩尼珠似聞默庵返閩權古隸夢我城南隅問泉豈止

四十尺井欄日夜響
轆轤小窗依然收塔影
荔牆綠重圍豐湖

有鄰研齋詩三首

我摹鄰堂研果拓鄰堂
扁此堂築未期此堂夢已踐
研銘名一字題者驚見罕
豈知齋名蘇於誰戶之歛
亭亭對塔影裊裊瓣香篆
無邪與有鄰不要偈語轉
研池淡一泓悠然片雲卷

書摹張伯雨茶訪陸季疵
松風響石鈿陸郎儻共之
此意今耿耿卜鄰話然疑
對牀寒燈句角弓嘉樹詩
二老日來往中夜風雨期
只愁妨攷訂幸弗就酒卮
擬以繪研背或幘於齋楣

蘭馨復竹潤何似王翰親西枝與東柯幾擇孟里仁桑
梓知恭敬粉榆氣樸淳藝圃觀所造蓮喻比其鄰思我
無所思淵乎初見真相交淡水石得託貞松筠一再補
蘇銘誰謂篋笥貧

寄鎮堂二首

問訊吳興鴻漸里何如句曲菌山巢午香一縷茶煙澹
筆勢先從繆篆交

讀易寧矜十絕編卜鄰不爲一紙緣跣趺隔巷寒雲外
神在梅花索笑前

題顧云美塔影園所藏漢隸舊本三首

墨香百五十年前虎阜鐘來窳堵圓又借池光消客夢

倒窗塔影故依然

朱十書亭仲六游斜行印押燦銀鈎只應宋廸邢房軸

智永前身省記不

子藏曹全碑是朱竹垞舊本孔宙碑是仲伯子舊本也昨宋芝山爲子臨

顧云美塔影圖

虞歐顏褚覓誰因十鼓岐陽想問津稽首相輪眞實義

月穿雲破是精神

子嘗於漢隸印證唐楷謂韓勅碑褚也孔宙碑虞也鄭固碑歐也魯陵碑

也顏

十一月十五日曉起待漏有述

冷撥爐灰讀攷工并隨孫郭注魚蟲消磨詞賦豪鋒禿

依舊光陰蠟炬紅杜牧餘箋追矻矻

樊川考工記注陸游去日

惜匆匆

旅翁詩少時學問苦匆匆誦光陰轉手空深有慨乎其言之也

依稀四十年

前夢薄雪窗光漏點中

乾隆乙亥十一月四日鼓起待漏取案上杜樊川詩一帙讀之至

竟今四十七年矣

韻亭宗伯令嗣將之任滇南以素扇屬書山川

出雲爲天下兩舊詩戊戌秋予爲宗伯尊人績

軒明府畫蘭并銘研作也感而有賦卽以贈行

二首

畫蘭今日見蘭孫萬里山川舊雨論二室三花深礪氣

瓣香飛聚柔珠痕

研池半偈清風在執圃重拈廿五秋添入雪窗行色卷

墨雲冉冉上簪頭

訪吳江史氏石刻坡公天際烏雲帖不獲以詩

記之三首

妮古如何聚晚香赤霞舊諾倩瑤岡沈吟南岳真人詠
寤寐西邨處士莊萬古有情銖黍墨雙鈎可記粉箋光
幻浮閣子歸來後直到覃溪爲表揚

陳吳手蹟果遺諸

項子京云此帖史氏已刻石行於世陳汝同吳原博二跋未刻入想

像柯張跋尚餘

柯敬仲張伯雨題今皆有闕失

畫借素縑畱騷裏石應

鉛水滴蟾蜍灘州雪夜春燈下定武蘭亭響搗初不及

馮家劉雨若蕉林枕秘硬黃書

涿鹿馮氏所藏蕉林家本劉光賜上石者至今

靴林馳譽莫知其爲贗也

夜雨相過話宛然碁聲白髮綠尊前

沈肩南爲史明古寫夜雨相過詩意

一幘今在史氏家睹岡猶見之

十三絃後人非夢七百年來韻孰傳依

昔窗光收塔影及今峯翠著湖邊穆溪儻有詩盟在敢
恡蘇齋臘雪筵

杭州新建坡公祠而赤霞近方遊杭故及之

元日

以下癸亥

塔陰元日雪木杪宿雲屯鳥語新開戶鐘來太古邨燒
松殘半偈爆竹靜微喧一縷枯禪話香迴曼篆論

王復齋鐘鼎款識歌寄阮芸臺中丞

昭回作作星斗芒銘先漢晉周游商六十二銘三十幅
商鼎賜始洪鄱陽復齋碑錄洪所鑿臨川手輯此最詳
復齋小印弄珎翫磊磊與冊森虹光宣和之圖薛之帖
一一次第箋于傍熒熒碧色赫躡在十五種權盱眙場
題曰良史拜手上擘窠目者同錢唐錢唐薛家手重勒

而此舊拓仍初裝石氏冊追遵父記少董分合誰評量
三十緡嗟秦取去東州榮芑言之長柯博士題薛帖首
山陰德平錢所藏今此恰有德平印丹邛筆儼銘戈鉞
又二百年墨林購篆書倦圃辨子昂竹垞衍齊迭嗟賞
畫象冊子並武梁武梁之冊昔借閱任城司馬秋庵黃
頻年眼福墨緣合此時二冊同歸杭儀徵阮公富經術
墨本釋語鑄琳琅暉池寶氣照湖水薛帖遜此喻麋香
阮公新成經解詁六籍鐘簴鏗笙簧舊題諸家詎能及
博古攷古徒誇揚秋庵旣摹武梁闕公又重勒臨川章
耿耿元精炳天地王倅那詡傳嘯堂世間第一奇古刻
千里快語馳錢郎手抵莫辭印萬本松下陸空遙飛觴

錢謂辛楣
陸謂謹庭

仲子自江南寄近作學古詩相質因賦五詩以
代面談兼寄呈述庵辛楣姬川端林

廿年浮氣消粗解理此心日量縝所試方識古井深萬
古一修途聖哲均苔岑漢學與宋學誰謂區古今先從
馬鄭輩圭臬準丈尋然後就程朱指南得其針中間百
千家坦轍不嘔欽顧視宿春糧徐步澄虛襟飫我以琳
腴淵乎竹素林

昔聖垂訓言豈計傳箋釋倉雅所未詳况復時代隔鄭
君讀玉藻始爲脫爛惜後來證墜簡糾謫逾千百何如
闕烹尤漫爾矜創闢有宋諸大儒理明疑旣析輕改前

詰訓恐滋來者惑政使禮堂寫隸古自爲則試準蔡議
卽料檢熹平刻百家整不齊嗚呼豈易得

矻矻東樵叟易書禮並研禹貢與箕疇百篇奧誰宣水
經直可補桑欽酈道元未審大學翼何似鹿洞鐫我服

易圖辨一掃經生沿項氏有翫辭蕭家有攷原

元秦和蕭漢中

尚未極批根豁諸名象詮讀書莫釐峯仰思歸震川盍
錄之百本敬附於章編

秀水朱檢討經錄三百卷羣言暢其凡衆目資以闡顧
聽胥史鈔不使歲月顯作者有前後師承歷深淺序說
或追題來處渾弗辨條條補末行一一臚於簡周秦到
元明絕續脈在眼山海雖崇深卽漸可知本此書儻就

理如農識疆畝一笑昔徒勞區區訂訛舛

子舊有經義考補正十二

六書測原委金石收放紛古文奇奧字恨難補見聞不如舊篋中宿疑待討論大海莽迴瀾何者所問津遠乎渺萬里近卽吾戶闔據之皆實得嗜博徒苦辛學惟無自欺居業乃敬身江頭媚學子同志復幾人塔影雲雪中挑燈自書紳

題海寧查氏摹刻褚臨蘭亭後

領加山邪舜元房靜學齋乎維蕙堂米南宮歎陳祭酒使我掩卷增仿惶褚臨第一烜赫本米老寶鑿垂英光甄之斫筆懷側筆世間石墨難具詳髮僧振公禪偈子

海岳書史空評量買珠但記蘇與米丙寅壬午元後襄
千川一月各圓影重輪渤海還鬱岡二十八行鬱岡足
誰意董撤中三行董陳兩家稱世好曷不丐假鑄琳琅
嗟三行者竟焉往延津風雨隔渺茫白華南陔叩東哲
笙吹屬尤不屬梁吳石借摹似反本頽僧半押真相當
恐遜尤生鐵方寸一掃類字欹偏傍金壇刻後竟鼎足
金壇一矣二海昌藏真之刻轉顏惡管臬副者同冊方
亦云宇宙兩幅尖奇哉史闕不補山誤同落水夢
秋碧錯認恒山藏玉爐重觀董詹事後有癸酉小字一
九歲掌詹事時竹雲更跋王良常弇州早聞寓意錄祭酒篋已
飛煙翔猶賢研山與快雪別題三米又洛陽吾攷此蹟

自顧本且莫傳會張循王穎全不似此差似那論諸葛
韓馮湯臚惟米題較肥瘦匠巧渤海論豪鉞師門三世
訝手澤百年前艤諭麋香

石勒於康熙四十一年壬午
劉氏維惠堂藏查聲山倩尤

天錫摹
鏤也

題天際烏雲帖三首

定武羣肩損半疑懷仁集字是前規世間遺迹龍騰處
月滿湖船幾箇知

君字即蘭亭羣字的
證不僅因褚摹也

會將繭紙蘭亭例肯僅神龍頰井間惠字不妨描作慧
已應價倍領從山

宋白粉箋今翳昏繡囊明鏡舊精魂誰將卷後多佳紙

快雪玆藏一例論

快雪所刻是摹本間
其卷前後紙色均也

張叔未寄古器欵識數種云欲求鍾鼎欵識詩
先賦此二詩奉寄

新篁里扁竹新田深竹香凝古篆煙前輩風流禾錄少
不藏古瓦獨藏甄

復齋鑿古筆容齋薛帖名同孰與儕惜未同時徵賦詠
也應研石小磨厓

焦山新貯漢陶陵鼎歌爲芸臺中丞賦

昔攷焦山周鼎欵摩挲舊拓三十春今得此鼎周鼎配
研池鬱起蛟蚪蠅儀徵阮公札示我訂古力挽江濤奔
往者新城二王作朱十跋並汪程論阮公獨据觀禮補
叢牧並援釋敦文昨者手摹欵識冊周漢上溯商彝尊

宋人青箋斂光彩讓爾續釋精繇分詁經日日究倉雅
歛雲寶氣徹海門此鼎來共松寮主千年京口增舊聞
文曰共廚容一斗隄麋汙職陶陵均三環雙耳對拱峙
古篆變隸初渾淪以函雅故正文字百川東注此問津
阮公政術卽經學諸儒講叩類引伸昔也文章艷煙月
今則經訓茹紛綸天教峯庵控江島以匹周篆超先秦
丹徒鮑君載書去錄我舊艸鐫江濱亟收圖經入鼎錄
鶴銘那數張力臣顏劉志稽後先釋呂薛編合形聲存
他年山中富題識王朱敢擬追後塵詩寄阮公聊一笑
夢借江閣星斗捫

湯泉寺池上作

盟手滄泓不偶然盟心題字又經年諸山艸木香迴合
對溜雲霞氣接連午剔模糊苔壁句石刻皆不甚可讀
惟略辨朱之蕃李
肅數人春陰圖畫石幢禪石幢六面萬歷中定遠戚
繼光撰南海陳經翰書是
題耳無盡藏瀾翻偈仍向跏趺坐處圓

琴几爲子占賦

西君新得甄琴几溫如紺玉平如砥珍過南陽瑪瑙材
維摩舊樣參差是古琴紋斷軼半抽腹云天順三年秋
此琴此几誰手撫遺曲遺音宛在不深崖道人蓄此久
貴官重價空來叩西君相見一長嘯奇氣翻然惠瓊玖
昇致山邨自山寺泠泠山響迢迢思十笏量來星白齋
擘窠正配覃溪字郭公雅式知者少鄭州泥痕碧瀾遠

古琴挂壁古几橫落月停雲半林杪飄几香霏石薦煙
澹對何礙琴無弦我詩不用鏤丹篆已有幽蘭韻渺然

書道園學古錄卷尾寄松嵐

石帆片石追東州米老拜後誰丹卮一碧登萊玉環捲
濤音和荅來汀洲屣提老禪趺坐處談笑辟易千戟矛
南岳真人未通夢七言三昧功焉收蹇子要眇美宜修
穀弦志已馳四侯嗚呼杜韓不傳秘豈在鑿險槌深幽
六朝腹笥空半豹三唐目力無全牛動操故在弦指外
聲畫詎以形聲求樂府遺徽氣逼古丹室煮朮香生秋
翰林珠玉芝亭篆處處碎佩叢芳畱邵庵眉庵一轉語
蜀江章江萬古流我師石帆真鑒後松嵐緩步來同遊

昔題谷園日銘坐愧嘗問權章江舟廿春拈花佇迦葉
軸尾細字盟銀鈎

塔下山房二首

二年來塔下今始扁山房淡沱春陰外跣趺午景長小
桃纔纈粉高柳又深黃鄰寺聽鐘義依然亞渚墻

蒲牢眞實語相荅讀書聲他日傳文筆穿窗寫月明倚

舷新芥舫炊飯破茶鐺滙水循江夢烏皮舊几橫

戊寅
戊子

春日小律
風味頗似

題坡公濰州雪行圖三首

滌研看山爲少畱梅花窗外小銀鈎前年湖上停杯處
官閣春燈影未收

登登薛壁塌西邨遺響松陵且莫論石墨誰憑陳太守

量來鴻爪雪泥痕

陳述古嘗摹刻此帖

壁題不爲仿君謨且就松屏認寶蘇雪擁枯禪容半榻
寒林一幅對跣趺

聞吳門繆氏所藏化度寺碑是張爾唯舊本因
題記於醴泉銘王長垣本二首

華碑不數關仝畫已壓長江貫道圖一笑蘇州刺史句

何如河北老金吾

延熹華山碑關仝行旅圖皆長垣蘇也昔退谷長垣諸君同餞張出守筵

上共賞張所收江貫道長江卷衆欲分其某段有翫取吳淞半江水櫓亂蘇州刺史腸之句

退谷長垣北地同白魚潭想外家風只除豈塔量翻本

未必鮮于冀北空

繆氏化度懸價千金有伯機手題然是翻刻耳張爾唯山陰人白魚潭張

家吾外祖
之族也

以粵東使廨愛蓮說石本軸之愛蓮堂示仲通

兄弟二首

莊渠教士觀心處重源春風四十年紅豆說經終信否
碧波明鏡故依然中通滿節香來續一串珠光聚又圓
箇是論文眞實義藥洲衣鉢倩誰傳

玉堂詩話薊門東吳帶曹衣色色工

吳鑑庵可成爲作
並帶蓮圖曹厲笙

通政吳山尊侍讀
皆有四六詩序

豈識本根清不染相依光霽意交融

連枝幸共培嘉樹得氣無忘賦角弓迦葉偶成拈一笑
苔岑渾在墨雲中

五峯扇頭小景二首

欲尋高處試攜筇雲氣穿來悟別峯
隔磳前題僧寺句
雨涼時度一聲鐘

山窗溼逕撥雲開沙鳥煙橫掠檻迴
一碧江光難著墨
片帆正帶夕陽來

書禮器碑後

小歐陽著仇紉書郿閣頌字摹本殊寥寥
千年著於錄
誰見當日親操觚衡方碑憶訪汶上末
行小字平原朱
番陽誤入採石例豈識書者來門徒古
人實實不矜炫
偶然附見文之餘湯盤孔鼎照萬古安
陽貨幣伊誰摹
岐鼓於今媿雅頌籀史果孰稽韓蘇煌
煌孔庭戟門刻
永壽禮器森疇圖其文及陰并兩側其
苾戴斗躔千珠

力或兼鈞勒奔馬織逾絲髮輕柔銖方圓準概倏百變
勁爲卓立妍爲紆兌戈垂矢不一手五原玉兆知有無
奇哉果著七人作山陽金鄉師曜奴亦以小字附石後
勢與陰側相盤拏最奇補書更雄肆弩機石鏃金僕鐸
但未某行某也系使我再拜增踟躕後來李潮韓蔡輩
一波一策能爾如焉得鸞迴勢聳處直到鳥迹神來初
自古神工不畱訣後世仿佛徒虛誣昌黎漫爾笑姿媚
重離何自開佃漁爾日講堂經待勒諸方篆未喧鴻都
蘭臺漆書敢私臆蔡侯麻紙但樹膚側想金絲殿庭際
鐘磬柎榘籩禁壺卽壺字署名得職此碑末何啻壇闕給
掃除熹平項題我親剔紫雲武闕唐搨俱更上彝器欵

識補遠矣東序西房儲千秋仰止嚮往處低何禮器以
此乎連壘之思傳億載日日讚誦追華胥

題化度寺銘二首

虞褚圓尋章法易歐方章法獨尋難醴泉結構溫公並
幾得珠杓一氣看

賜書樓壁竟成圖棐几量來膩玉膚香界光中金粟影
山陰楷後古今無

又題二首

追蠡依然夏貢金桑泉索靖疊痕尋三花樹古迴雲碧
收得樓頭壁響音未裝以前摺痕紙破處猶可辨
卅五行排石接連此石上半今就所存字尚得三十五行相比次青橫一室澹

窗煙嵩陽居士眞非夢春艸春暉意不傳

元十三家所
惠陳彥廉春

艸堂本鮮于伯機錢良右所題朱益之
春暉堂本以今核之皆宋時翻本也

稊帖墨花歌

偶於重刻褚臨本有似
落水卷墨花者因賦此

四水潛夫說墨花雪城王孫落水卷澹揭千秋意不傳

輕雲籠月神何遠長安薛家響晴晝三重膩比山陰蘭

墨汁金壺細灑來遊絲縷曳光風軟澹濃凹凸輕重閒

春蚓秋蛇爲誰縮恰似橋邊展軸時上巳重三弄妍暖

交跗疊葦蕾與辨動影迴波照偏反濛濛薄霧昏陰襯

蜻蜓蛺蝶穿深窵瑤臺嬋娟典午春迦葉偈子如何轉

寤想隄麋結藥珠絲絲條問吳淞翦茫茫緒本絹更撫

記憶芝房手重擧訝憑詩夢喚梨雲還試青岑理苔蘚

買繡雙鈎竟何得
劔鏃粉紋嗤已晚
窗光簾纈藻荇中
莫執茶甌裊香篆

書自撰蘭亭考後四首

舅氏山陰一老民
可容逸少擅清真
似孫改又俞松續
儻見湯馮肆筆人

金龜玉兔偶流傳
斷損鬚鋒未必然
少董手摩青石片

可聞湍字受饒鑄

湍字損之說蓋宋諸家跋中沿誤

禮李王姬百兩將
後先書府宋追唐

唐太平公主宋理宗周漢國公主並

有神龍蘭亭事 墨書安得神龍印
羊薄江東遠擅場

蘇洵廚籤取六丁
誰教領字冠山形
華亭兩幅飛何處

空乞金沙拓海寧

海寧查氏重摹本盛至盛三行借鬱岡本補